

**PEMBERITAHUAN PERTANYAAN DEWAN RAKYAT  
MESYUARAT KEDUA, PENGGAL KEDUA,  
PARLIMEN KEEMPAT BELAS**

---

**PERTANYAAN : BERTULIS**

**DARIPADA : YB DR. KELVIN YII LEE WUEN  
[BANDAR KUCHING - DAP]**

**SOALAN**

Minta **MENTERI BELIA DAN SUKAN** menyatakan dalam bentuk jadual, statistik pengangguran di Sarawak terutamanya golongan belia sejak tahun 2010 dan inisiatif Kerajaan yang wujud bagi menangani masalah pengangguran terutamanya di golongan belia Sarawak

**JAWAPAN**

Yang di-Pertua,

1. Untuk makluman Ahli Yang Berhormat, berdasarkan Laporan Survei Tenaga Buruh Malaysia tahun 2010–2018 yang dikeluarkan oleh Jabatan Perangkaan Malaysia, secara purata bilangan penganggur di negeri Sarawak adalah seramai 43,000 orang. Bilangan pengangguran mengikut kumpulan umur adalah seperti berikut:

**Bilangan Penganggur Mengikut Kumpulan Umur, Sarawak**

<b>Kumpulan Umur</b>	<b>2010 ('000)</b>	<b>2011 ('000)</b>	<b>2012 ('000)</b>	<b>2013 ('000)</b>	<b>2014 ('000)</b>	<b>2015 ('000)</b>	<b>2016 ('000)</b>	<b>2017 ('000)</b>	<b>2018 ('000)</b>
15-19	10.1	8.6	9.6	10.1	8.9	10.1	8.4	5.8	7.8
20-24	17.8	17.4	15.3	17.2	15.7	18.2	17.0	19.6	18.4
25-29	8.1	8.0	6.2	8.9	7.3	9.0	8.3	7.5	8.9
30-34	2.9	2.8	2.7	2.8	2.9	2.1	3.4	2.0	3.0
35-39	2.0	2.5	1.6	2.5	1.3	1.9	2.1	1.3	1.4
40-44	1.7	1.0	1.7	1.3	1.0	1.1	1.1	1.2	1.6
45-49	1.9	1.3	1.9	1.0	1.0	0.7	0.9	0.5	0.7
50-54	1.4	1.2	1.3	0.3	0.8	0.3	0.7	0.3	0.1
55-59	1.3	1.0	0.8	0.9	0.2	0.1	0.1	0.2	0.3

## SOALAN NO. 209

60-64	1.0	1.4	0.2	0.5	0.0	0.0	0.2	0.4	0.1
<b>Jumlah</b>	<b>48.1</b>	<b>45.3</b>	<b>41.0</b>	<b>45.7</b>	<b>39.2</b>	<b>43.5</b>	<b>41.9</b>	<b>38.9</b>	<b>42.3</b>

Sumber: Laporan Survei Tenaga Buruh Malaysia 2010 - 2018, Jabatan Perangkaan Malaysia.

*Nota Teknikal: Hasil tambah bagi sesuatu kategori mungkin tidak sentiasa sama dengan jumlah yang ditunjukkan dalam jadual yang berkaitan kerana pembundaran secara bebas kepada satu titik perpuluhan.*

2. Bagi menangani masalah pengangguran di kalangan belia termasuklah golongan belia di negeri Sarawak, Kementerian Belia dan Sukan (KBS) bersama agensi-agensi Kerajaan yang lainnya telah mengambil beberapa pendekatan iaitu antaranya dengan menggalakkan budaya keusahawanan.

3. Berdasarkan rekod Kementerian, sehingga Jun 2019 seramai 2,030 orang belia Sarawak telah menyertai beberapa program yang telah dianjurkan oleh Jabatan Belia dan Sukan Negara dengan kerjasama Jabatan Belia dan Sukan Negeri Sarawak. Antaranya:

- (a) Program Youth Career (Y-Career) bertujuan membantu belia B40 (bandar dan luar bandar) mengikuti latihan kemahiran khusus sebelum diserapkan dalam pasaran pekerjaan.
- (b) Program Karnival *Youth Business Expo*(Ybex) sebagai platform usahawan belia menjalinkan hubungan dengan pemain industri korporat dan menambah peluang pekerjaan dan latihan. Karnival ini dilaksanakan di peringkat negeri Sarawak dengan jumlah penyertaan seramai 2,000 orang peserta secara keseluruhan.

4. Melalui Institut Kemahiran Belia Negara (IKBN) Miri, Kementerian Belia dan Sukan menawarkan latihan kemahiran TVET kepada golongan belia terutamanya di Sarawak sama ada melalui program sepenuh masa dan kursus jangka pendek. IKBN di Miri telah dibina pada tahun 2002 yang mempunyai kapasiti pelajar sebanyak 900 orang. Bidang-bidang yang ditawarkan di IKBN Miri adalah Sijil Kemahiran Malaysia yang melibatkan bidang teknologi mekanikal, teknologi hospitaliti dan teknologi automotif.

## SOALAN NO. 209

5. Bagi memastikan graduan IKBN Miri menjadi pilihan pihak industri, KBS menekankan inisiatif kerjasama strategik bersama pihak industri dalam memastikan latihan kemahiran yang dilaksanakan di IKBN sentiasa memenuhi keperluan industri. Antara syarikat-syarikat yang telah bekerjasama dengan IKBN Miri adalah Oceancare Technical Training Centre (OCTTC), Meritz Hotel Miri, Imperial Hotel Miri, AT Dunia Sdn Bhd, Miri Marriott Resort & Spa, Azama Auto Services, Mega Hotel Sdn Bhd, Dai Lieng Machinery Sdn Bhd.

6. Dari tahun 2010 hingga Jun 2019, jumlah graduan yang telah menamatkan latihan kemahiran di IKBN Miri adalah seramai 2,857 orang belia. Berdasarkan kajian kebolehpasaran graduan ILKBS yang dilaksanakan pada tahun 2018, kadar kebolehpasaran graduan IKBN Miri adalah 97%.

7. Manakala Kementerian Sumber Manusia melalui Jabatan Tenaga Kerja (JTK) Sarawak pula melaksanakan inisiatif-inisiatif berikut bagi menangani masalah pengangguran di Sarawak iaitu:

- (a) membantu para pencari kerja mendapatkan pekerjaan iaitu dengan mempromosikan laman sesawang *JobsMalaysia* ([www.jobsmalaysia.gov.my](http://www.jobsmalaysia.gov.my)) yang berperanan sebagai platform utama bagi pencari kerja mendapat maklumat jawatan kosong serta memohon jawatan yang diminati secara atas talian. Para pencari kerja dapat mengakses portal *JobsMalaysia* ini bila-bila masa di mana-mana sahaja. Promosi portal *JobsMalaysia* dilakukan secara aktif agar orang awam khususnya pencari kerja tahu akan kewujudan portal ini.
- (b) JTK Sarawak juga menganjurkan Program Karnival Kerjaya semenjak tahun 2010 sehingga 2018. JTK Sarawak setiap tahun menganjurkan program karnival kerjaya bagi menyediakan platform kepada para pencari kerja untuk mendapatkan pekerjaan daripada majikan yang menyertai program ini. Sejak tahun 2010 sehingga 2018, sejumlah 190 program telah diadakan dan melalui program ini sejumlah 25,764 pencari kerja berjaya ditempatkan sewaktu program diadakan. Rata-rata pencari kerja yang hadir terdiri daripada

**SOALAN NO. 209**

golongan belia yang belum pernah bekerja atau pun pencari kerja yang telah mendapat pekerjaan dan ingin menambah baik kehidupan dengan mencari kerja yang lebih baik. Penyertaan majikan yang terdiri daripada majikan yang berpejabat di Sarawak dan juga majikan daripada Sabah dan Semenanjung Malaysia. Jadual di bawah merupakan bilangan program Karnival kerja anjuran JTK Sarawak sejak tahun 2010 sehingga 2018.

<b>Maklumat Penganjuran Program Pesta Kerja / Penempatan Pekerjaan/ Karnival Kerjaya Anjuran JTK Sarawak Sejak Tahun 2010 – 2018</b>										
<b>Tahun</b>	<b>2010</b>	<b>2011</b>	<b>2012</b>	<b>2013</b>	<b>2014</b>	<b>2015</b>	<b>2016</b>	<b>2017</b>	<b>2018</b>	<b>Jumlah</b>
Bilangan Program Pesta Kerja/ Penempatan Pekerjaan/ Karnival Kerjaya	25	25	13	27	45	21	9	14	11	190
Bilangan Penempatan pekerjaan melalui program Pesta Kerja/ Penempatan Pekerjaan/ Karnival Kerjaya	<b>311</b>	<b>2581</b>	<b>3594</b>	<b>4086</b>	<b>4852</b>	<b>4503</b>	<b>3013</b>	<b>4719</b>	<b>2957</b>	<b>30,616</b>

- (c) Selain itu, JTK Sarawak juga kerap kali mengadakan kerjasama dengan pihak majikan untuk mengadakan temuduga terbuka di mana-mana 17 pejabat JTK Sarawak di seluruh Sarawak. Majikan terdiri daripada AEON Mall, Mydin Mall, MAS Airlines, Malindo Air serta pelbagai syarikat telah mengadakan temuduga terbuka menggunakan pejabat-pejabat JTK Sarawak dan mendapat sambutan yang amat menggalakan.
- (d) JTK Sarawak turut melaksanakan aktiviti ceramah kerjaya kepada golongan sasaran iaitu pelajar-pelajar sekolah menengah serta penuntut institut pengajian tinggi awam dan swasta. Objektif ceramah kerjaya diadakan adalah untuk memberikan pendedahan kepada golongan sasaran

## **SOALAN NO. 209**

berkenaan maklumat-maklumat pekerjaan yang ditawarkan sekaligus menjadi panduan kepada mereka dalam menentukan hala tuju pekerjaan mereka pada masa hadapan setelah tamat persekolahan mahupun setelah tamat pengajian di institusi pengajian tinggi. Selain itu, elemen kebolehpasaran turut diterapkan dalam kalangan golongan sasaran bagi membantu membina jati diri serta melengkapkan diri dengan kemahiran-kemahiran asas dalam menempuh alam pekerjaan.

Sekian, terima kasih.